

文獻叢編

第三十一輯

文

獻

題

圖

·

·

·

·

·

中華民國二十四年十月出版

文獻叢編第三十一輯

編輯所


國立北平故宮博物院文獻館

發行所

國立北平故宮博物院出版物發行所
電話 東局四四三六

印刷所

北平宣內東斜街新新印書局
電話 西局五六八



郵費		價目表	
本	市	五	每月一冊
外	埠	二元七角	半年六冊
外	國	五元二角	每年十二冊
每期一分			
每期一角			
每期二角五分			

本市 上海

天津各大書店均有代售

文獻叢編第三十一輯目錄

清內務府所藏明代印章

劉師培八指頭陀詩 端方密電檔

俄羅斯檔

軍機處檔
咸豐朝

庫倫大臣德勒克多爾濟奏俄羅斯咨請代查越境逃人摺

俄羅斯國請代查拿越境逃人咨文

庫倫辦事大臣咨行俄羅斯越境逃人已飭官兵訪查文

寄黑龍江將軍英隆查拏俄國逃人諭

黑龍江將軍英隆奏覆訪查俄國逃人前後情形摺

科布多參贊大臣包克通額奏俄人進卡遺失馬匹請飭庫倫大臣會同俄羅斯審辦摺

寄科布多參贊大臣諭

庫倫辦事大臣德勒克多爾濟等奏查布里雅特俄人情形摺

寄庫倫辦事大臣等諭

庫倫辦事大臣德勒克多爾濟奏覆查辦私越俄境喇嘛摺

寄黑龍江將軍英隆諭

徐錫麟案

續端方密電檔

教案史料

軍機處檔

福建羅源縣英教堂被毀案

英欽差阿禮國請咨行閩浙總督派員會同領事官審辦羅源教案照會

英署理欽差威妥瑪知照羅源教案尙未辦有端緒照會

英欽差威妥瑪知照閩省辦理羅源教案之未盡妥協各節照會

安慶英法教士寓所被搶案

英署理欽差威妥瑪請照復安慶教案如何懲辦賠補照會

英署理欽差威妥瑪知照安慶教案之各官曠職失防各節照會 附教士稟詞

英署理欽差威妥瑪請速復辦理安慶教案之道府各員應如何參辦照會

蘇州織造李煦奏摺

宮中檔案

奏報太倉忽有強賊多人搶奪民人摺

奏報太倉夥賊供有一念和尚給劄惑衆摺

奏報太倉盜案摺經家人中途遺失請賜處決摺

奏報訪查浙江四明山賊匪情形摺

謝寬免失摺處分摺

請飭地方官合力搜捕私鹽摺

奏陳鹽法緊要事宜摺

工程史料 內務府檔

總理工程處三和英廉等奏琳光殿牌樓估需工料銀兩摺

總理工程處三和英廉等奏悅心殿等處見新估需工料銀兩摺

總管內務府大臣奏報古北口城工實用銀兩摺

內務府大臣福隆安等奏添建黃寺碑亭需用銀兩摺

昇平署崑弋承應戲劇本 昇平署檔

靈仙祝壽

第一齣 普陀梵唱

第二齣 南山壽獻

第三齣 羽童感格

第四齣 寰中拱瑞

附文獻館二十四年^九十月工作報告

俄羅斯檔軍機處檔

庫倫辦事大臣德勒克多爾濟奏俄羅斯咨請代查越境逃人摺

咸豐

二年正月二十四日

德勒克多爾濟等奏正月初四日接閱固畢爾那托爾來文係去年有兵丁一名隨跟喀木呢干二名逃走越我庫克多博卡倫邊界至今並未查拏交回等語查庫克多博卡倫乃黑龍江所屬地方哦夷逃人何時越境究係有無實據並據黑龍江將軍等咨報似應一面照固畢爾那托爾來文行知黑龍江將軍查明具奏一面嚴飭庫倫所屬嚴加查拏事關夷務應早爲完結可否飭下黑龍江將軍英隆之處伏乞聖鑒所有咨覆俄羅斯國固畢爾那托爾文底恭呈御覽謹奏奉硃批另有旨欽此

清字譯漢

俄羅斯國請代查拿越境逃人咨文

咸豐二年正月廿四日

俄羅斯國固畢爾那托爾咨行大清國庫倫辦事大臣爲咨行事敝國一千八百五十年九月敝領催瓦什里擅收官項現已逃走經武弁囑緝該犯等于十

月帶人二名越境卽飭邊界之瑪雨爾等于本年十一月初六日告知貴國庫庫多拜卡官此項人犯現獲重咎越境祈將該犯迅速查拏解送本國邊界該卡倫官並未回明上司上年十二月貴國章京伊凌阿等會遇敵國瑪雨爾時告知該瑪雨爾以至今未奉回文于本年五月十三日本國大臣赴庫庫多拜卡倫時求爲查拏此犯九月十三日復將此案情節詳細告知該卡官員等十月初八初九等日本國大臣派委章京時經瑪雨爾將此情節告知而于逃犯形跡少有舛誤本國上司迄今未聞緝犯信息且查拿此犯最關緊要該犯偷竊前任要件若干官項不少是以本國上司飭職行文貴大臣伏乞按照兩國相交和好之道將越境逃人拿獲解送敵國貴大臣若允所請遵照定例辦理則我兩國和好之道益爲堅固亦顯貴國誠篤之心爲此咨行

清字譯漢

庫倫辦事大臣咨行俄羅斯越境逃人已飭官兵訪查文

咸豐二年正月廿四日

大清國庫倫辦事大臣咨行俄羅斯國固畢爾那托爾爲知照事昨接爾處來文披閱均悉惟稱逃人三名越境並非本大臣所屬地方且此次來文於該犯

究由何卡越境彼時曾否我國卡倫官兵查明跡迹之處均未提明再我國東省將軍亦未行文文本大臣是以無憑查辦然我兩國辦事大員遇有似此邊界之事向不推諉均秉公辦理本大臣立即飭令庫克多博卡倫官兵查明務將爾國逃犯迅速訪查拿解並知照黑龍江將軍矣俟接到回文再行知照爲此咨行咸豐二年正月二十四日奉硃批覽欽此 清字譯漢

寄黑龍江將軍英隆諭

咸豐二年正月廿四日

軍機大臣字寄黑龍江將軍英咸豐二年正月二十四日奉上諭德勒克多爾濟等奏俄羅斯來文內稱前年伊國脫逃官兵三名逃至庫克多博卡內等因一摺查庫克多博係黑龍江所屬地方着英隆詳細查明俄國逃人於幾時越境私入某卡迅即派員查拿務獲俟拿獲時一面奏聞一面將俄夷解交庫倫轉送該國辦理俄羅斯原文著抄給閱看欽此遵旨寄信前來清字譯漢

黑龍江將軍英隆奏覆訪查俄國逃人前後情形摺

咸豐二年三月初一日

英隆奏據署總管伊凌阿稟稱巡查卡倫時面見俄酋言有伊國三人牽馬六

匹于三十年八月逃在我國邊界等語當飭各屬訪查均報並無踪跡二月初一日據庫倫辦事大臣文稱准俄國固畢爾那托爾咨稱前年逃走之兵丁一名隨從喀木呢干二名祈爲速查是否拏獲希爲聲覆以備行知俄國等語咨查前來奴才正在繕摺具奏間接奉寄諭著英隆將俄羅斯逃人三名何時越境由何卡闌入之處詳細查明等因欽此嗣于十月俄國瑪爾雨爾告知驍騎校巴扎爾克察越境三人何不卽時交出等語此節已咨行德勒克多爾濟矣並復派委妥幹之員令于各處嚴加訪查務期弋獲所有前年俄夷逃人越境及派員搜查前後情形謹奏奉硃批知道了欽此

清字譯漢

科布多參贊大臣包克通額奏俄人進卡遺失馬匹請飭庫倫大臣會同

俄羅斯審辦摺

咸豐二年四月十七日

包克通額奏住卡官兵與俄夷一同越邊騙買俄夷鹿茸因索欠債等候以致在卡將馬失去應咨庫倫會同俄國夷官嚴行懲辦先是卡倫侍衛等報稱俄夷他他哩巴拜來卡稟稱因卡官巴勒錦等賒買鹿茸前來索欠而巴勒錦等

均未在卡等至五日始行回來欠債雖清而所騎之馬失去等語查該卡倫係烏里雅蘇台將軍統轄之處人證又係烏里雅蘇台所屬自應會辦會由卡倫侍衛等呈報烏里雅蘇台將軍在案今據將軍奕格咨稱應由科布多就近派員前赴卡倫遵照道光二十八年會同議定章程辦理等語咨行前來查科布多從未會同哦夷辦過案件亦無通曉哦語之人應飭庫倫大臣會同哦羅斯夷會審辦卡倫侍衛等原報蒙古字抄錄二分咨送庫倫及理藩院其失察各官俟擬結時另行具奏案內人證派員解送庫倫以備審辦謹奏奉硃批另有旨欽此 清字譯漢

寄科布多參贊大臣諭

咸豐二年

軍機大臣字寄科布多參贊大臣包咸豐二年上諭包克通額奏俄夷進卡索欠遺失馬匹一案請飭庫倫辦事大臣嚴行懲辦一摺所有案內之委章京巴勒晉等十七名并知情故縱之卡倫協理台吉綽依扎布等二員著由該旗派員解赴庫倫聽候審辦越境之俄羅斯塔塔哩等二名着解至交界地方會全

該國辦理餘着照所奏欽此遵旨寄信前來 清字譯漢

庫倫辦事大臣德勒克多爾濟等奏查佈里雅特俄人情形摺

咸豐二年五月初八日

德勒克多爾濟等奏前因俄夷情形可疑未能訪實不敢率奏昨據東雨愛曼貝子咨稱俄夷坐卡佈哩雅特現均改住夷兵當飭章京賽音博勒格圖查詢嗣據報明俄夷因佈哩雅特近來不甚安靜是以撤回等語查俄夷性本詭詐邇來駐京喇嘛信函倍蓰於前恐該喇嘛有所洩露且該夷聞中國與暎咈在東南一隅通商上年又復添派固畢爾那托爾專管佈哩雅特人等奴才公同商酌嚴飭與俄夷塔界各卡暗爲防範並請飭下與俄夷毗連地方一體嚴防謹奏奉硃批另有旨欽此 清字譯漢

寄庫倫辦事大臣等諭 咸豐二年五月初八日

軍機大臣字寄 庫倫辦事大臣德等咸豐二年五月初八日奉上諭德勒克多爾濟等奏密陳探聞俄夷情形可疑一摺德勒克多爾濟風聞恰克圖東邊俄

夷卡內有夷兵多名往東而去當卽派員密爲偵探雖訪聞有可疑情弊惟辦理邊防遇有關係外國可疑之事應諸事以安靜處之不可張惶應不露聲色密飭屬員妥爲防範並著嚴禁卡倫各員各飭所屬不可私入俄夷境內謀利滋事致令該夷有所藉口此等情節若屬員輾轉傳揚恐被俄夷知覺轉生輕視該大臣所奏俄夷詭詐情形務須加意防範密爲辦理原摺並未發抄該大臣斷不可宣露也欽此遵旨寄信前來

清字譯漢

庫倫辦事大臣德勒克多爾濟奏覆查辦私越俄境喇嘛摺

咸豐二年

五月初八日

德勒克多爾濟等奏上年固畢爾那托爾文稱拏獲喇嘛一名懇請查辦等語當派章京賽音博勒克圖領回喇嘛瓦齊爾額爾克訊係車臣漢旗下人名貢楚克訥淋隨同格澁楚勒德木等越境赴喀木呢干巴勒丹家內念經治病得受馬匹等項均經分用格澁等五人業已旋回伊因舊疾舉發未能同行在佈哩雅特家內居住敢拏等語奴才卽咨提格澁等到案訊亦相符查此案格澁

等越境治病例無專條惟查有道光二十三年間私行越境念經治病之喇嘛
噶勒桑索特巴一名係由理藩院議奏遣戍豫東在案今格澂等起意越境治
病歛錢殊屬胆大顯係平日不法格澂楚勒特木喇嘛旺沁均著革去喇嘛發
往豫東充當苦差貢楚克訥淋等二人聽從越境情罪稍輕亦著革去喇嘛枷
號七十日滿日鞭責一百喇嘛巴勒丹等二名亦屬聽從越境著革去喇嘛枷
號兩個月滿日鞭責八十並著飭令回旗管束失查之卡倫兵丁分別枷責謹
奏奉硃批該院議奏欽此

清字譯漢

寄黑龍江將軍英隆諭

咸豐二年五月初九日

軍機大臣字寄黑龍江將軍英咸豐二年五月初九日奉上諭德勒克多爾濟
等奏密陳探聞俄夷情形可疑一摺德勒克多爾濟風聞恰克圖東邊俄夷卡
內有夷兵多名往東而去暗爲偵探或云上年俄國因與阿克里什國打仗派
兵多名赴該國東南界內之阿勒巴晉地方會齊或云係爲防守彼國東南一
帶挖金犯人而派或云彼國東南搭界之格依喀木聶阿普薩都哩雅兩小國

互爭游牧格依將木聶國本與俄國有親俄國恐該國非阿普薩都哩雅國敵手是以派兵協助並在東南界內防堵各等語至俄夷所屬之布哩雅特等本係蒙古部落今將布哩雅特全行撤回改駐俄兵情形甚爲可疑是以委員偵查據俄夷瑪爾云該國所屬之布哩雅特人等因在邊卡不能安靜時常偷買偷賣滋生事端是以將各卡居住之布哩雅特人等全數撤回悉派俄兵居住等語惟俄夷狡猾性成諸事並無實話情形種種可疑邊界地方不可不爲防範著交英隆密飭所屬各卡防範斷不可宣揚使俄夷知覺其各卡人等並著妥爲管束不准私行越境謀利滋事致令俄夷藉端啟衅欽此遵旨寄信前來

清字譯漢

[illegible]